

戊戌履霜錄

戊戌履霜錄卷三

退廬居士

應 詔陳言記

自安維峻爭中東和局。竄之極邊。鍾德祥復以賊敗。臺諫不振者累年。朝廷雖設諫官。實人人皆有言責。大臣不言而小臣言之。在後世傳爲美談。在當時實非幸事。變法以來。綱紐盡解。侯門食客。爭思以口舌得官。又旌異王照。黜許應駘。以風動天下。其時草莽疏逃之臣。奮袂並興。一人善射。百夫決拾。好戰者言兵。好貨者言商。好新器新理者言農工。好名法者

言新律甚或以痛哭流涕之談指斥近臣疏離骨肉
揆之政體甯有是乎雖然厲王監謗而邵虎力爭鄭
人議於鄉校而子產勿毀其然者采之可補高深其
否者亦以見仕途之流派孔子曰君子不以言舉人
不以人廢言余讀書至此未嘗不反覆太息當光緒
紀元之初兩宮求才若渴張佩綸吳大澂皆負清
流號知時務佩綸議論尤橫其指陳海疆得失同列
皆歛手推服無異詞其後兩人皆以督兵遭貶斥康
有爲犯上作亂罪惡浮於喪師當其說之大行舉朝
皆墮其術中聲勢盛張吳百倍要其揣摩迎合亦自

有不可盡廢者在也。其陳兼弱攻昧之說曰：泰西大國歲入數十萬萬，練兵數百萬，鐵船數百艘，新藝新器歲出數千，新法新書歲出數萬，農工商兵人皆專學，婦女童孺人盡知書，而吾歲入入千萬，債款乃二萬萬，則財弱，練兵戰艦無一，則兵弱，無新器新藝之出，則藝弱，兵不識字，士不知兵，商無學，農無術，則民智弱，人皆偷安，士無俠氣，則民心弱，以當東西十餘新造之強鄰，其必不能禁其兼者勢也。此仲虺兼弱之說可畏也。大地八十萬里，中國有其一，列國五十餘，中國居其一，地球之通自明末，輪路之盛自嘉道。

皆百年前後之新事。四十年前未有之變局也。列國
競進。水漲堤高。比較等差。豪釐難隱。故管子曰。國之
存亡。鄰國有焉。眾治而已。獨亂國非其國也。眾合而
已。獨孤國非其國也。頗聞中國諸臣。狃承平臺閣之
習。襲簿書期會之常。猶復以尊王攘夷。施之敵國。拘
文率例。以應外人。屢開笑資。爲人口實。譬凌寒而衣
絺綌。當涉川而策高車。納侮招尤。莫此爲甚。咸同之
時。旣以昧不知變而屢挫矣。法日之事。又以昧不知
變而有今日矣。皇上堂陛尊嚴。旣與臣民隔絕。恭
親王以藩邸議政。亦與士夫不親。吾有四萬萬人民。

而執政行權。能通於上者。不過公卿臺諫督撫百人而已。自餘百餘萬數。無由上達。等於無有。而公卿臺諫督撫皆循資格而至。旣以裹足未出外國游歷。又以貴倨不近通人講求。至西政新書多出近歲。諸臣類多咸同舊學。年老精衰。政事叢雜。無一事能究其本原。無一法能窮其利弊。夜行無燭。瞎馬臨池。而各國游歷之士。傳教之人。察我形勝。測我虛盈。言財政詳於度支之司。談物產精於商局之冊。論內政或較深於朝報。陳民隱或更切於奏章。彼此相形。動見窘屈。將以求免。不亦難乎。此仲虺攻昧之說。可懼也。是

言進於款德以後有爲已四上書矣其公車上書再
上書三上書皆在戊戌以前與政變無關不錄當政
變之初有爲密陳大計請定國是開局務大更制度
疏留中不發頗滋眾疑迨梁啟超逃入東洋撰清議
報詆毀當路頌有爲功毀其疏於木外人始有見者
其疏曰臣聞方今大地守舊之國未有不分割危亡
昔也有次第脅割其土地人民而亡之者波蘭是也
有盡取其利權一舉而亡之者緬甸是也有盡亡其
土地人民而存其虛號者安南是也有收其利權而
後亡之者印度是也有握其利權徐分割而亡之者

土耳其埃及是也。我今無土無兵無餉無械無船。雖
名爲國。而土地鐵路輪船商務銀行。惟敵之命。聽客
取求。雖無亡之形。而有亡之實矣。古無百年不變之
法。況今茲之法。皆漢唐元明之敝政。何嘗爲 祖宗
制度哉。又皆爲胥吏舞弊之巢穴。何嘗有絲毫
祖宗之初意哉。今託於 祖宗之法。固已誣 祖
宗矣。且法者所以守地也。今 祖宗之地。旣不守。何
有 祖宗之法乎。夫使能守 祖宗之法。而不能守
祖宗之地。與稍變 祖宗之法。而能守 祖宗之
地。孰得孰失。孰重孰輕。殆不待辨矣。雖然。欲變法乎。

不可不先定國是。日本維新之始，要義有三：一大誓羣臣以定國是，二立天策以徵賢才，三開制度局以立憲法。皇上若決意變法，請先舉三者。大集羣臣於天壇，太廟，或御乾清門，詔定國是，躬申誓戒，除舊布新，與民更始，令羣臣具名上表，咸革舊習，龜勉維新，否則自陳免官，以激厲眾志。設上書所於午門，日輪派御史二人監收，許天下士民皆得上書。其羣僚言事，咸許自達，無得由堂官代遞，以致阻撓。有稱旨者，召見察問，量才擢用，則下情咸達，羣賢輻輳矣。設制度局於內廷，選天下通才十數人入直。

其中王公卿士儀皆平等。畧如 聖祖設南書房
世宗設軍機處例。皇上每日親臨商榷。何者宜增
何者宜改。何者當存。何者當刪。損益庶政。重草章程。
然後敷布施行。乃不謬紊。既立制度局。總其綱。宜立
十二局分其事。一曰法律局。二曰度支局。三曰學校
局。四曰農局。五曰工局。六曰商局。七曰鐵路局。八曰
郵政局。九曰礦務局。十曰游會局。十一曰陸軍局。十
二曰海軍局。十二局設庶政可得而舉矣。今地方之
治。自縣令以下。僅一二簿尉雜流。未嘗託以民事。縣
令任重而選賤。俸薄而官卑。自治獄催科外。餘皆置

之度外。其上乃有藩臬道府之轄。經累四重。乃至督撫而後達於上。藩臬道府措手無事。皆爲冗員。徒增文書費厚祿而已。一省事權皆在督撫。然必久累資勞。乃至此位。地大事繁。年老精衰。舊制且望而生畏。望其講求新法。必不可得。日本以知縣上隸於國。漢制百郡以太守上達天子。我地大不能同日本。宜用漢制。每道設一民政局。妙選通才督辦其事。用南書房及學政例。自一品至七品京朝官。皆可爲之。准其專摺奏事。體制與督撫平等。用出使例。聽其自辟參贊隨員。俾其指臂收得人之助。先撥釐稅。俾其創辦。

新政每縣設民政分局督辦派員會同地方紳士治
之除刑獄賦稅暫時仍歸知縣外凡地圖戶口道路
山林學校農工商務衛生警捕皆次第舉行三月而
備其規模一年而責其成效如此則內外並舉臂指
靈通憲章草定奉行有準然後憲法可成新政有效
也若夫廣遣親王大臣游歷大譯西書厚俸祿以養
廉恥變通科舉以育人才皆當舉行今宜大籌四萬
萬之款立局以造紙幣各省分設銀行用印度田稅
之法仿各國印花之稅我地大物博可增十倍然後
郡縣編立各等學堂沿海急設武備學院大購鐵艦

五十艘。急練民兵百萬。則氣象丕變。維新有圖。雖不敢望自強。亦庶幾可以自保。臣愚夙夜憂國。統籌大局。思之至詳。其能舉而行之。惟皇上之明。其不能舉而行之。惟諸臣之罪。是歲所變新法。若四卿參政。開懋勤殿。許士民上書。立鐵路礦務農工商各局。皆採用此疎之言。有爲自謂揣摩十年而後得之。窺其隱謀。意在奪樞府之權。歸制度局。奪六部之權。歸十二分局。奪督撫將軍之權。歸各道。民政局如是。則天子孤立於上。內外盤踞。皆康黨私人。禍將不忍言矣。當時躁進之徒。爭拾有爲唾餘。希圖進用。刑部尙書

趙舒翹最惡司員上書。明詔既下，雖有力不能遏。止於是。主事洪汝沖條陳遷都聯邦二策曰：我朝沿明舊制，建都順天。昔輿地家建議宜遷者屢矣。近今時勢更非前日之比。順天負山面海，居高臨下，東有遼瀋根本之固，西有太行藩籬之險，以之馭內，未嘗不沛然有餘。然自日本一戰之後，德據膠澳，俄據旅大，英據威海，遼渤洋面，戰艦鱗屯，堂奧已危，門戶盡失。况俄人西伯利亞鐵路，直接東陲，我雖有蘆漢一道，尚未葺工，亦不過商旅通衢，無關兵要。而所許德人濟南一道，與英俄三晉運煤一道，皆接我幹路，橫

縮中樞要遮尤易。近聞俄人出所儲九千萬盧布。整頓海軍。其在本國及他國製造未成之船。計一等戰艦六艘。二等戰艦一艘。巡洋大艦一艘。小艦四艘。海防鐵甲一艘。砲艦三艘。雷艇獵艦共三十餘艘。其舊有之百餘艘。尚不在內。又聞俄人擬開濬大連灣港口十六尺。估需英金一百六十萬磅。其新聞紙昌言欲將黑海波羅的海艦隊全數移華。以與西伯利亞水陸相輔。計斯時英德艦隊亦必力求抵制。日益增多。則我津滬海道勢將中梗。全畿震動。南北不通。一旦有警。計將安出。由陸則他人已遏蘆漢之衝。由海

則盡成敵國。長江一帶英人入保倉皇四顧，俛俛何之。雖欲求南渡之臨安，恐亦不可得矣。夫都建業，都汴梁，都關中，前代已然之迹也。今改都建業，則長江爲各國通商要道，無險可憑。都汴梁，則鐵路一通，難絕德人窺伺。都關中，則回紇近爲肘腋之患，而新疆西藏又啟英俄戎心，不獨河運維艱，轉粟輸漕難尋，故道已也。且都東南，則西北有鞭長莫及之患。都西北，則東南有尾大不掉之虞。爲今之計，則莫如徙都荆襄，搯南北咽喉，四面不致臨敵，且非徒地利然也。以變法論，亦莫不以遷都爲便。俄人變法由莫斯科。

建新都森彼得堡。日本變法由西京徙都東京。卽商鞅變法亦由雍築冀闕以徙咸陽。誠以移步換形。耳目一更。則阻撓者無成。法之可沿。創造者有新機。之可藉。而舊法不變。自變新法不行。自行矣。若慮室廬輜重。興造轉徙。繇役繁多。則句踐有卧薪嘗膽之仇。項王有破釜沈舟之戰。卽羽之入咸陽。燔秦宮室。與俄人之燔莫斯科積聚。皆杜他人覬覦之念。而絕其民留戀之心。前事可徵。意至深遠。語曰。爲天下者不顧家。不可不察也。此遷都之不宜緩者一也。中國論治。主閉主分。泰西論治。主通主合。蓋閉則智屈。通則

志伸分則力散。合則力聚。故士有學堂之合。農工商有公司之合。泰西之所以強盛。無他。亦在通與合二者而已。故論地形。則同洲者先通。先合。論種族。則同種者宜通。宜合。論文教。則同文者可通。可合。今歐美各國。與我異文。異種。異洲。天之所限。勢難聯成一氣。不啟殺機。唯日本不然。雖以島夷。國勢驟盛。進步之速。歐美憚之。顧急於自見。發難於我。受制於俄。致有唇亡齒寒之懼。雖與英交好。藉以制俄。識者料其後必出於駁。他日此勝彼負。則東半球平權之國。必且大變。况英徒以俄故親日。非我族類。其心必異。不幸

英與俄和則日本之執孤而國殆矣。爲日本者所親宜莫如中國。以我幅員之廣。人民之眾。物產之饒。誠得與之聯合。借彼新法。資我賢才。變換智識。互相援繫。不難約束俄人。俾如君士但丁故事。則東西太平之局。可以長保。而祖宗締造之業。亦鞏如磐石矣。况俄以未得志於土耳其阿富汗。始注意亞東事。繫全球志不在小。解紛排難。唯在中國之自強。中國之自強。唯在日本之相助。英人保泰持盈。其所要求。亦對待於俄而不得已耳。其實商務之外。無志他圖。此舉若成。則俄人不敢出太平洋。必將修弭兵之會。而

與各國長以玉帛相見。則豈獨中日之願。當亦環球之大願。數十萬萬黃白種生靈所禱祀而求者也。此聯邦之不容緩者二也。蓋自有爲以筆舌傾動人主。梁啟超藉報章鼓簧天下。而縱橫遊說之風熾矣。道員嚴復者。通重譯語言。博交好奇計。亦康洪之流。擬萬言書一篇。登諸國聞報。十日始畢其說。大旨謂今日各國之勢。與古之戰國異。古之戰國務兼并。而今之各國謹平權。此所以米衛中山。不存於七雄之世。而和蘭丹麥瑞士。尙瓦全於英德俄法之間。且百年以降。船械日新。軍興日費。量長較短。其各講於攻守。

之術亦日精。兩軍交綏。雖至強之國。無萬全之算也。勝負或異。死傷皆多。且難端旣構。累世相仇。是以各國重之。使中國一旦自強。與各國有以比權量力。則彼將陰消其侮奪覬覦之心。而所求於我者。不過通商之利。唯中國之終於不振。而無以自立。則以此五洲上腴之壤。無論何國得之。皆可以鞭笞天下。而平權相制之局。壞矣。爲此之故。其勢不能不爭。其爭不能不力。然則必中國自主之權失。而後全球之殺機動也。又曰。歐洲國土。當我殷周之間。希臘最盛。文物政治。皆彬彬矣。希臘中衰。乃有羅馬。羅馬者。漢之所

稱大秦者也。庶幾一統矣。繼而政理放焚，民俗抵冒，上下征利，背公營私。當此之時，俄特日耳曼諸種起而乘之。蓋自是歐洲散爲十餘國，各立君長，種族相矜，互相砥礪，以勝爲榮，以負爲辱。蓋其所爭，不僅軍旅疆場而止。自農工商賈，至於文詞學問，一名一藝之微，莫不如此。此所以始於相忌，終於相成。日就月將，至於近今百年，其富強之効，遂有非餘洲所可及者。雖曰人事，抑亦其地勢之華離破碎使之也。至我中國，則北起龍庭天山，西緣葱嶺輪臺之限，而東南界海，中間方數萬里之地，帶河礪山，渾整綿亘，其地

勢利合而不利分。故當先秦魏晉六朝五代之秋。雖暫爲據亂。而其治終歸於一統。統旣一矣。於此之時。有王者起。爲之內修綱維。而齊以法制。外收藩屬。而優以羈縻。則所以禦四夷。綏百姓。而求所謂長治久者。事已具矣。夫聖人之治理不同。而其措天下於於治安而不復危者。心一而已。聖人之意。以謂天下已安已治矣。吾爲之彌綸至織悉焉。俾後世子孫。謹守吾法。而百姓有以相生養。保持永永樂利。不可復亂。則治道至於如是。是亦足矣。安所用富強爲哉。是故其垂謨著誠。則尙率由而重改作。貴述古而薄謀。

新其言理財也。崇本而抑末。務節流而不急開源。戒
進取。敦止足。要在使民無凍飢。而有以劑豐歉。供租
稅而已。其言武備也。則取詰奸宄。備非常。示安不忘
危之義。外之無以爲絜。長度大之勅敵。則無事於日
講攻守之方。使之益精益密也。內之與民休息。去養
兵轉餉之煩苛。則無由畜大支之勁旅也。且聖人非
不知智勇之民之可貴也。然以爲無益於治安。而或
害吾治。由是凡其作民勵學之政。大抵皆去異尙同。
而旌其純良謹慤者。所謂豪傑健果。重然諾。立節概
之風。則皆懲其末流而黜之矣。夫如是。數傳之後。天

下靡靡馴伏易安而難危。亂萌無由起。而聖人求所以措置天下之方。於是乎大得。此其意亦非必欲愚黔首利天下私子孫也。以爲安民長久之道。莫若此耳。蓋使天下常爲一統而無外。則由其道而上下相維。君子親賢而小人樂利。長久無極。不復亂危。此其爲甚休可願之事。固遠過於富强也。不幸爲治之事。獎常伏於久安之中。而謀國之難。患多起於所防之外。此自前世而已然矣。而今日乃有西國者。天假以舟車之利。闖然而破中國數千年一統之局。且挾其千有餘歲所爭競磨礱而得之智勇富强。以與吾角。

於是乎吾所謂長治久安者有僂然不終日之勢矣。嗟乎。此其爲事。豈僅祖宗之不及知也哉。蓋雖周孔之聖。程朱之賢。其論治道。慮後世也。可謂詳且審矣。然而今日之變。則亦所未嘗豫計者也。又曰。今夫歐洲各國之事。至紛紜矣。然約而言之。大抵英俄兩大權之所舉措而已。英最孤立。俄則有法德之連。其所以連者。以三國皆以傾英爲謀故也。蓋英之海權最大。而商利獨閔。其屬地大者。有五。印度。南澳洲。與北美之康納達。非洲之海望角。而尤要者。則自其國繞大西洋而入地中海。出蘇爾斯紅海。達印度洋。過

新加坡北首而入吾之東海。沿途島準如置驛然。蟬聯不絕。以爲屯煤轉餉之資。而輔之以全球海棧。此可謂堯五洲之鎖鑰者也。餘國出而行賈。皆有仰於英。而英則無所待於各國。然而以設埠之多也。故雖爲國大費。而不能不盛設海軍。以彈壓之。此則事相爲表裏者也。至於俄之國勢。則與英懸殊。英島國也。而俄處大陸。地勢平衍。跨有二洲。游牧農漁之利。最富。陸師額設之多。甲於天下。善治而自守。收蔥嶺以西之部落。夫已蔚爲雄國矣。然自大彼得崛起以來。常以無四通不凍口門。使商利不恢。國威不振。爲恨。

百數十年。其君若臣所處心積慮不遺餘力者。爲斯一事而已。拓土開疆。抑其次也。波羅的海。白海皆凍。不足以畜船。黑海寬矣。而內有君士但丁之限。外則地中海東西兩頭。皆英人司其門戶。俄不得以逞志也。前者思南通波斯阿富汗。以出印度洋矣。然此又英人所必爭。雖死辭不能入尺寸者也。咸豐末年。以中國之多故。伺隙陷瑕。唾手而得黑龍江之東部。於是俄肇有海參威自由之海口。而其國東方之畧亦用此爲起點也。自彼得堡以抵海參威。一經兩海中間。徑六七千迷盧。多窮徼荒寒之地。俄不惜籌數百

兆之費創爲錫伯利亞之鐵路以通之。英通海而俄
通陸。道成則有以奪英之商權而大得志。嗟乎。謀國
如此。此可謂高掌遠蹠。不幸道未成。而有甲午之事。
高麗失怙。而我喪師。日本薦食上國。且有以妨俄經
營慘淡之大業。此其勢所不能不爭者也。於是俄既
以助我爲名矣。則英自不能不合日本。而法德者。則
俄自知兵力之單。而引以爲重者也。夫法之事俄久
矣。其事俄也。疾英國而思報德仇也。俄一舉足。有以
爲二國輕重。德不能樹襟背之敵。故不得已而折入
於俄。然往者俄法橫。而德奧欲縱矣。且使法人報德。

之志。日久而衰。則俄法之交。或不可恃。大抵各適已事而已。此泰西各國之大畧也。至於泰東今日之局。俄日殆不可解之深仇。日於俄之助我也。怨淺於俄。之以我爲名。以自利也。怨深。且俄人在韓之所爲。尤使日人噎媢不能出氣。故乙未至今。兩國僭攘爭爲戰備。簡軍峙糧。無一息之逸。吾沿海米價爲之昂騰。度日本之未與俄告絕者。恐英援之不足。深恃已耳。今夫英固海上之雄國也。往者泰東西有事。英罔不執牛耳者矣。顧近歲以來。獨若謙讓未遑。不敢爲天下先者。是亦有故。海軍之費已重。屬地過多。恐窶藪

之不容穴一也。其治已成民主之規。民主者不甚以兼并爲利。二也。爲各國所妬媚者深。已亦自危孤立。三也。非洲南北移民新壤。與各國日有違言。國事已尤。四也。前之成績備極崇闕。今卽不爭。已多厚實。爭之而勝。增者無多。爭之不勝。國威頓減。故常以持盈保泰爲事。五也。君王后享國六十年矣。卽位以來。國之富强日臻。已之聲名俱泰。爲其前史所未有。當國者咸思保其晚節。不忍輕舉。六也。以此之故。雖武備日修。力足與人爭先。而無往不爲持重。此客歲以前英人大畧之政策也。然臣聞其近月以來。稍稍變矣。

變則英日兩島國。右挈左提。必有以阻俄人之東畧。而俄人不能爲讓。則東方戰事始殷矣。至旣戰之後。各國之離合錯綜。與其勝敗之數。雖有明智。不可得。以豫言也。昔者甲午之役。各國皆以日本爲必危。去歲土希之戰。論者又以希臘爲宜勝。及其事驗明白。皆異人言。是故事變之來。非臣愚所能豫決。而所決然可知者。則我必受其敝而已。蓋外國之事。如海流然。方其瀾之安也。則蛟龍鯨鯢。翔泳奔突。奮迅恍豫。於波濤之中。皆寬廓有餘。而不足爲患。及其聚爲海嘯。則渾亂蕩瀾。水之百怪。皆鬱律放肆。求自快其意。

而不可禦而所衝之地田廬民舍罔不被災者矣是故目前東方之禍苟有術以弭之亟宜早爲之所臣徧觀歐亞二洲之中其能弭是禍者獨中國而已而中國之中獨一人而已則皇帝陛下是也其後上用王錫蕃言召復入見詢及生平著述復以此書對上命錄一通以進突遭有爲之難未得上達同時有戶部主事蔡鎮藩上審官定職事宜十八條一曰軍機處中國之大弊在名實不符宰輔樞衡之任魏晉以來病其專擅一以他官典領國初內三院皆設大學士康熙時改爲內閣分其職而設翰林院雍

正時又分其職而設軍機處內閣翰林院軍機處卽
初時國史院宏文院祕書院也惟軍機處因西北軍
務而設未遑定官迄今百數十年贊理萬幾政事無
所不統並非專辦軍務事平可議裁撤宜仿內三院
大學士均係本官之例改軍機處爲樞密院或卽名
祕書院除親王貝勒欽派管理無定員外設大學士
若干員協辦大學士若干員一二三等章京各若干
員秩約三四五品建衙署廣直房畧如內閣向來大
臣多有部務差事早夜奔馳無復從容論思之暇此
後新政章奏日益繁多旣未可倉卒定議亦不能稍

涉遲延。而大學士等無簿書期會之煩。自朝至於日中。督同籌辦。必能發摠勲業。補救時艱。仰贊開物成務之治矣。二曰總理各國事務衙門。萬國交通。古今創局。通則必久。斷無復閉之時。我皇上奮然維新。欲合天下聰明才智。萃於外交內政兩途。而洋務無專官承辦。各員皆由部院兼攝。不足以新耳目。而作其志氣。擬請援理藩院例。定爲外務部。除親王貝勒。欽派管理無定員外。設大臣參贊大臣各若干員。秩與尚書侍郎同。一二三等章京各若干員。秩與所擬樞密院章京同。一等總部務。二等三等管國股。以外

尙宜增置曹司。一改海防股爲海防司。設郎中員外
主事各一。復設行人司。查國初行人司司正正七品。
左右司副從七品。行人正八品。本於明制。明時司正
一司副二。行人三百四十五。後減爲三十七。順治十
五年。裁行人六。雍正以後。率土臣屬。久乃全裁。今五
洲通好。使才尤重。使學尤急。宜復行人司員數。增其
品秩。司正從四品。司副正五品。行人六七品。專掌使
臣領事。參隨繙譯。及游學生員事宜。並講求約章律
例。稅則公法。使臣以下。應通之學。卽以行人司爲儲
使才之地。內外互相遷轉。一設殖民司。郎中員外主

事專掌南洋英法荷日各屬地東洋日本高麗美洲
美祕智巴各城埠華商華工事宜及西北邊民入俄
藏民入印滇民入越緬互市情形責成各該大臣督
屬保護按季咨報夫通商大事也彼來我往乃謂通
商必如是乃有益而無害中國誤在初開海禁不急
務此退守至今遂難進步然閩廣商民自創之規模
不可不力與維持因籌開拓凡外務部官升轉不出
外務與樞密院俱歸三年察典不必按屆保獎三日
吏部國初吏部有用人之權選曹四司每省必用一
員藉以周知賢否後行俸次之法於是天官職掌一

書吏足以辦之。然用人當審之於先。責之於後。資格所以抑躁競。亦正以課職事。不以職事爲進退。而法乃敝。唐虞用人。曰考言。曰考績。考言至唐時爲銓試。我朝順治康熙時。兩定鄉會試章程。二場俱試判五條。卽廌銓試之法。於科舉。惟官非一途。其不由科舉者尙多。而判辭引試。俄頃施於選人。尤宜議。由吏部將擬選州縣以上官。當堂設題集試。一依唐法。會吏科河南道揭榜。分別留放。留者入選。放者停選。若干年月。屆滿再擬再試。分發人員。由侍郎一員。會同驗看。王大臣科道試判例。不及格者。停其分發。考績

之法。壞於差使保獎委署之例。今擬合官與職事爲一辦法。已具各條。而公事例限。先須釐定。外省辦事。多無常員。廢弛疲玩。部中任催罔應。無從核實。惟由各部將歷年未報未覆實有關係事件。開單請飭下各省。限半年內辦清。以後從新畫一定限。逾限兩期。卽由各部咨交吏部照例參辦。以省繁瀆。四曰戶部。明設戶部。分民度金倉四屬部。後改爲每司之四科。遂沿至今。號地官而不掌土地之圖。名司農而不主農官之事。理財而市易無專職。制幣而平準無專責。籌軍餉。制國用。而度支無專司。不得不行派辦之

法久則派辦設有常處兼隸省司之件亦多承辦故北檔房最爲繁劇今宜改北檔房爲會計司專管軍國度支綜核財賦增設農政司商務司掌天下農商之政令其礦冶諸務之兼隸各司者亦如之農商體大事繁若欲二千餘州縣同時並興惟有歸入地方官考成令將籌辦情形申藩達部部中旣爲總滙擇取善法使相仿倣各省司分錄行文不旬月而徧天下內外無隔閡上下無蒙蔽職事昭著大吏不能偏私而吏治蒸蒸日上矣五日禮部現裁之光祿鴻臚二寺旣歸禮部光祿應并入精膳鴻臚應并入主客

然各國交涉外部主之。蒙回各務理藩院主之。主客職務本簡。宜與鴻臚並歸入儀制司。而以儀制司所管之學校舉貢。別立學校司員。缺一仍主客之舊。現學堂科舉。新舊並行。有特科。有常科。有府廳州縣學。有大小中等高等學。有寓洋商籍小學。有士紳倡設算藝文字小學。有生員舉貢進士。有學堂生員舉人進士。又有特科出身譯書出身。均應隸部另議。學校歸入地方官考成。尤關吏課。至於祠祭所掌。亦宜增定。一行僧道度牒納費之例。一定寺院莊田限制之例。一申明禁止淫祠之例。查順治二年。以天下尙未

全定僧道無多。度牒納銀。特著覺免。三百年來。游惰日繁。羽服緇流。至不能得大數。蓋不納銀。則度牒廢。流品混雜。窩奸藪盜。既妨吏治。亦玷清規。納銀。則度牒行。官可按冊而稽。彼亦尊重自愛。非必如前代之倚辦軍饟也。僧道置業。例止報官立案。直省寺觀莊田。動逾萬畝。衣稅食租。礙民生計。宜明定限制。一人不得過若干畝。一寺院不得過若干人。一州縣不得有若干寺院。仍先查明溢數。充地方學田。至淫祠本應禁止。民間不在祀典之祠廟。近已奉旨改爲學堂。一舉數善。應由部頒行禁條。以免續建。外國教堂。

應由地方官查明若干年終由部彙奏總數以重要務六曰兵部強兵爲第一要義而兵部考核祇以武職選補錢糧報銷爲重查外國陸軍練兵軍水軍練海部今海軍衙門久撤宜改選司爲水軍司管南北洋長江內外水師事宜車駕司爲陸軍司管各省陸營防練團兵事宜凡操練章程駐紮處所巡哨緝捕調度諸要務考察功過得失雖難遙制務嚴責成至於職方所掌地圖尤要曰版圖曰界圖曰五洲全圖宜備置以周知利害而水陸建置圖如西北之倫博塞壘東南之船塢礮臺以及口岸租界凡有改設增

置均宜繪圖貼說送部考核外國每軍有測繪學生
兵部海部輿圖館開辦至百餘年今繪圖處不日將
撤卽以職方爲天下輿圖之總滙武庫司改爲軍器
之總滙亦如之七日刑部刑部省司外有督捕司因
國初八旗逃人案多故兵部設有督捕侍郎主事後
滿漢相安逃案漸少乃撤督捕衙門一歸刑部今八
旗逃案歲不數見其情罪輕者多由本旗及步軍衙
門審結遇有重案必係奏交凡奏交之案又歸派審
不隸本司而派審易涉嫌疑故刑部近年屢招物議
宜改督捕司爲見審司專審奏交之案其咨案仍籤

派至律例館本未停撤似無妨博采西律隨時入例
八日工部百工六職之一周禮以之富邦國後世重
官而輕事貴士而賤工然將作正卿猶名大匠水衡
船官實造軍械其僚屬丞簿卽係工師尙有百工居
職之意自漢魏以至國初冬曹事官未有名不副
實如今日者順治時有營繕所有所丞等官鳩工會
材以時督之原非專主銷算今則工不居職臨時招
商木廠工頭把持挾制而工部但司總核承修別有
大臣又有初估覆估驗工各大臣大臣與部又各有
司員錢糧不能覈實工程不免偷減近年糜費以此

爲鉅。現在率作興事宜。定百工之職。設將作監衙門。如三庫錢法堂例。以本部侍郎領之。郎中員外郎主事大使。不定員額。精選熟諳中西工程專門之學。使處其位。來工爲九經之一。招華洋上等工匠。使爲國工。亦無定額。其工程分兩大宗。曰修宮室。曰修道路。凡京城內外工役。由京師選集眾工督造。其街道衙門。及管理溝渠河道例。差均可停撤。至軍器製造。尤爲當務之急。現京營改練洋操。需用火器愈多。鉛子庫火藥局。旣不足以應用。專恃外省調取。難經久遠。宜設軍器監衙門。以本部尙書領之。查新法獎勵章

程能造新器者請給工部郎中大學堂章程學製造者歸工部所有該監郎中員外主事大使工師不限員缺以待藝能之選並仿唐米甲弩坊令丞之設槍廠礮廠藥廠各設令一丞一分司製造俱用專門及大使工師升補開辦之初暫由南北洋湖北等處將該局廠成效久著極爲得力員匠每處保送數名備用凡新設各缺遞升至郎中遇應升時加秩留任加至二品就升本部侍郎營繕四司仍照舊例惟四司既主考核卽應詳定考核之職各省工程工藝令每季申報籌辦情形其不歸州縣之電報郵政及業已

開車之鐵路。月出月入。均應報部。至工部軍器則例。造法價目。纖悉俱備。惟皆舊時軍營所用。而船械機器。購自外洋。無憑考核。故例所有者。絲毫俱關。准駁例所無者。十萬數十萬。無不照數准銷。查洋廠價值。隨時雖有漲落。要不相懸。宜飭出使各大臣。將兵輪槍砲大宗機器。中國所常購者。半年查報時價一次。並飭官報確訪登載。部中彙作比例表。按時修定。以憑鈎考。並可藉以講求。此亦有司之責也。九日六科。明設給事中。掌門下之任。審定詔旨。謂之封駁。駁正到部。謂之抄參。今事或由廷寄。或由閣抄。其下科者。

皆係循例奏報無所用其參駁雖察六部祇案月由部赴科注銷而已然封駁之職在我朝爲拾遺康熙六年輔臣以言官旣准不時陳奏其拾遺應卽停止後難以阻塞言路爲輔臣罪此例亦仍未復查六科署在門下雖隸都察院實與各道御史有別拾遺左右其本職也皇上察言好問令編檢中贊科道各隨該堂官到班值日今詹事等衙門已裁值日之員旣少預備亦無中贊應於都察院外令六科分期值日卽以值日復其拾遺之舊而副其給事中之名現在立法造端事體繁重雖詳求不厭再四本可隨

時變通而一經奉 旨有司卽應遵行既無成案可
循而 詔詞簡要理難詳及或恐漸生岐異致失本
指其新章由各衙門議定者雖大致已邀俞允而其
中詳細條目未必盡無可議尤宜慎之於初可卽由
值日科臣覆核每日奉 旨事件如原奏或有遺漏
抵牾及 詔旨有應行申明之處卽於次日請 旨
辦理以求盡善至六科雖無所不察其所察之部尤
爲職分所當先一切利弊得失因革損益均宜隨時
條論亦藉以明習政務庶不致專司風聞彈劾轉拋
荒其本職也十日都察院西國之官人自行權無大

小相維之意。中國以上使下。內制外。國體異。則官制難同。而惟事由公議。則彼國千年之善法。亦中國自古之良規。明臣邱濬有言。祖宗不以諫諍名官。欲人人得盡其言也。又寓其責於科道。其意甚微。我朝亦然。惟都察院官各有本職。都御史分洩行省。監察道職在巡按。六科給事內廷。分察六部。會議各修本職。則都察院宜別增議事之官。參中外古今之制。擬於十五道外。另添御史。仿周秦祇以御史名官。仿順治康熙時兼用五六七品。仿漢制議郎不限員數。仿國初吏部司員例。及西國議員例。各省每道必有

一二員一切政事興革咸使預議上下交而其志同
端在此矣十一曰左都御史右副都御史都御史左
在內右在外卽古行臺省之制故曰行省行臺省行
尚書事故督加尚書撫加侍郎然魏晉行臺備置官
屬隋猶有主事有侍郎有食貨監農圃監武器監百
工監監各有副有丞有錄事詳於庶務故致富強唐
分大小行省大省郎中等官與京省同餘降一等惟
宋無行省沿唐末制權宜置使明改行中書省爲布
政司中葉後漸置督撫以監臨之不攷行臺舊制而
以宋人置使之法爲之千里數千里之地付之一人

無塚屬無幕府。孤立於百城之上。無所不責其建置。遂無一能有所建置。各省向來多自設文案處。而承充之員。不過圖薪水。望調劑。大吏亦祇取其文理公事較勝書吏。事之得失。不相關也。今既不可如西國屬地政府之專。亦不能如前代行臺官屬之備。宜照將軍衙門主事筆帖式例。設行省主事四員。分掌吏治財賦營務工程一切奏咨事件。依古設錄事四員。分掌農圃食貨武器百工以副之。秩比七品小京官。其體制亦照堂司辦理。現在 皇上明日達聰。適言必察。而封疆大吏。尙不開府類。仍深居簡出。坐受欺

滕似非一德一心之盛。宜令設考言院。接見屬員。候補州縣以上。逐日輪派若干員。旅見畧去常儀。詢論政治。佐雜照舊排期傳見。仍准時具說帖。到院言事。另設采風館。接見紳士。攷究地方情形。每郡公舉二人入館。一切籌辦新法。因地制宜之舉。先發館紳議其可否。公具說帖。交有司核辦。督撫審定施行。凡士農工商人等。俱准上書采風館。言教養事。官權既無所侵。輿情無有不洽。措施既易。成效無難。自不致以空言塞責矣。十二日十五道監察御史一統之世。郡縣星羅。不能不遞置長官。層層節制。而君與民日

遠國與民日分官與民不相習民與民不相聯故有郡縣卽有監郡御史恃以通氣脈而起痺痿通典謂秦御史監郡謂之監察御史是也國朝本唐宋明監察之制御史職在出巡巡漕巡鹽巡河巡農俱係專差惟巡按爲第一要任雖裏行未遣之員仍依直省分道康熙中天下無事巡按停差初時猶令督撫代巡而無秋毫之益有無窮之累旋卽停罷不得已而親巡夫任人則逸任己則勞天下之大轍迹難周則耳目不能不有所寄顧炎武日知錄謂監察巡按深得西漢都刺史之意且謂察吏安民之効已見於

有明三百年非虛語也。查巡按之善全在秩卑而權重。御史與行省督撫一照臺規體制更無漢時以卑臨尊輕重不相準之嫌。謂宜復舊制。每省差巡按一員。由在京各衙門公舉年壯才明廉勤公正御史。咨都察院彙請簡派。不足則取之部院五六品官兼監察御史銜。如學政例。遷轉仍照本官考成歸吏部。都察院兩年一代不可久任。限定巡費不必報銷。常年周流不必建署。其職掌大綱有三。一曰考核。二曰制置。三曰宣布。凡考核三條。一官方貪酷糾劾尤要。二吏科農桑新政尤要。三民情民教交涉尤要。凡制置

六條一刑名斷治冤獄。清理積控。二盜賊督察奸詔。解散勾結。三屯牧。四團練。所至簡閱。拊循其中。義釐定其約束賞罰。五賑濟。辦賑宜速。費少而有實惠。六撫卹。暖廠粥廠。養老育嬰。卹癆等善堂。施醫牛痘等義舉。所至勸辦。凡宣布四條。一新詔士民偏隅僻處。耳目未通。聞改學校。則疑於廢經。變科舉。則疑於廢士用。機器則憂人工之失利。開商局。則慮小販之失業。惶惑疑沮。勢所必然。惟巡按兩年一周。親歷各屬。將諭旨關乎新政者。恭錄刊布。所至宣諭。庶民志大定。不至胥動於浮言。二新章。凡科舉學堂新法。獎

勵及以後一切新政章程。刷印宣播。而征取部章。地方官利於浮派。尤不肯示令周悉。故上取一下取十。籌款一次。動至竭澤而漁。更宜逐處曉諭。頒示明禁。三新書。教士書宜詳。教俗書宜簡。簡則頒行易廣。流布易周。西人最重此法。四新約。傳教訂約已數十年。而百姓尙以招擊洋人爲忠義。雖由愚民鄙陋匪徒煽惑。實亦無詳知世務通達政體之有司。爲之教導於平日。惟巡按至。將中外通商始末。現時各國修好之誼。傳教祇期爲善。斷無叵測之情。刊發條教。令相勸戒。庶民信既孚。民氣自靖。不至再有教案矣。十三

日布政司布政司事繁責重察吏則實缺數百候補數千理財則起存正籍之鈎稽部餉軍糧之籌措及一切興利除弊責有攸歸近又裁局所裁鹽糧各道兼領歸并職務益繁查康熙六年并左右布政司裁直省吏攢承差三千八百餘名今藩署科房多至二十餘所額外書吏至數百人亟宜大加淘汰酌留十數名但司書算而設布政司參議二員分理庶務所有首領官經歷理問都事均可裁去公事案牘立限清理五六年以來未經報銷者分別補造免造參追無著者查明豁免以後文冊釐定簡明格式期於易

辦省具文責實事治道庶可成矣十四日按察司外省辦事曰吏曰幕幕權重於吏弊亦較甚而臬幕尤通省刑幕之淵藪夫獄訟原須參決難持獨斷西國用律師我朝用佐貳刑幕今日之教習非法也按察司舊有四品副使五品僉事本無定員今宜酌設僉事一二員襄理刑案不准再延幕友其各省臬局亦并入臬司不必由首府兼領十五曰道員同知通判外官古分親民釐務二等今道與同通除地方外別有專管事務員缺順治康熙時屢裁屢復時并時分大都視其事之繁簡非有定也咸豐以來時事日

變舊制既無此官。則姑設一局以理之。續興一事。又添一局。遂使天下之官。爭以求差爲務。而軍國重要。適爲宦途營利之資。數十年來。所以日講富強而無効也。擬請於南北洋各設商務道二員。商務同知通判。副之分理。所屬輪船招商製貨局。廠及稽察電報郵政銀行鐵路一切通商事宜。湖北酌設道一同通各一。每省設軍械道一員。同通副之。專理製造機器槍砲局廠事務。江南湖北同通酌增。福建設船政道二員。同通副之。江南於康熙時。本有船政同知。今宜復設。並添通判。均管廠。鴨督造兵商輪船。礦廠盛處。

如漠河湖北酌設礦務道仍隨礦利之盛衰爲裁置各關監督改爲關道學政分別省分復爲學道凡新設各缺如製造諸務實難遽易生手准由現辦人員內按品揀補及分別在實缺上行走以後各省候補道員同通令專歸一項候補除候補地方員缺卽專補地方員缺外其事務員缺仍各分班候補先在所候各缺上行走以資歷練不准另派委員庶分發候補人員不至閒曠朝廷亦得實用且不至用違所長而奔競之風不禁自息一舉數善之法似無過於此矣十六日知府知府監臨之官職在督率學校農商

工藝擬歸入州縣考成。一州縣之事多有與數州縣交涉者。化畛域杜諉卸。或通力合作。或相因並舉。必須統籌兼顧。措置方宜。郡城學校爲中學。學堂書局。切實辦理外。每府設官報館。開通風氣。各屬申報籌辦情形。概用說帖批籤。以後酌發報館登載。藉資講求。至知府考成。應以所屬政治之修廢爲斷。將各州縣職事舉劾之員。通按十成計算。舉過八成爲上攷。五成爲中攷。二三成爲下攷。惟州縣之舉劾。旣關知府攷成。則大吏參劾州縣。不必仍由知府稟揭。十七日推官教養爲富強之本。中國官以萬數。其與民相

及者爲州縣。州縣所以治民者。不過刑名緝捕。然責之未嘗不備。而行之實有未能。州縣大者數百里。小亦百餘里。卽論刑名緝捕二事。已極殷繁。至於兼三兼四。要缺。雖以精明強幹之吏。殫力竭慮。僅得無誤。而錢穀之期會甚迫。民教之調處尤難。若再以學校農商工藝諸務。責令振興。雖古循良。豈能勝任。西國設官分主民事。而巡審季審月審。獄訟之專官尤詳。我朝順治康熙時。每府設有推官。秩同知縣。進士則推知。並用考滿則推知。並升主事。行取則推知同升御史。今宜復其官而變通之。每州縣設推官一員。

品級升途。州推與知州同。縣推與知縣同。專主緝捕盜賊。審理詞訟。爲地方問刑衙門。吏目典史屬之。其捕盜拿犯。卽用汛兵民壯協捕之。練勇團防。卽歸管帶。不必派委營官。設立武職。刑官旣立。而教民養民諸政。乃可備責牧民之官矣。十八日知州知縣民爲邦本。今日最妨吏治。使善政皆成弊法者。殃民之吏役也。刑名旣屬推官。則州縣衙門所有胥吏數十多者百數。白役數百多者千數。俱可淘汰淨盡。設櫃徵收章程。捐借條款。分別刊碑懸揭。以徵眾信。自無浮冒抑勒之弊。而刑錢分掌。地方官亦不能以酷濟貪。

於是官與民親。乃可專意於教養。一學校曰文藝。曰武備。一農課。曰農桑。曰畜牧。曰種植。曰礦產。一商務曰貨。曰幣。一工作。曰製造。曰工程。製造曰製貨。曰製器。工程曰水利。曰道路。督同學會紳士切實籌辦。仿稅務司申報總稅務司之法。按季分條。詳具說帖。一申府。一申藩。一由藩司核訖。達部說帖。官用印。紳用押。皆有事實器數。非可空言搪塞。督撫攷其功過。年終一舉劾。三年一大計。隨其事之修廢而黜陟之。然舊制尙有宜改定者。一計典分上中下九等。專主考績。貪酷八法。定爲隨時參劾之格。一委署全行停止。

缺出由同城官暫攝嚴立請補限期擬補之員先飭赴任一捐級不准抵銷處分一同知直隸州通判除京員實缺截取外專作爲推官州縣升途庶勸懲既有實際吏治可望起色矣鎮藩條議初成徧示農曹僚友或曰體大思精識解在馬貴與上或曰此新莽摹周官王荆公設制置三司條例司意也譚嗣同在樞庭見之歎賞勿絕擬悉數推行當時京官沈滯司曹者多藉文字梯緣求進鎮藩蜀土起寒微不尙聲氣恐未必然要亦沾沾自喜者耳餘如夏曾佑請開天津稻田金蓉鏡請裁旗兵停捐例羅長綺議巡洋

準議分州縣繁劇亦各言之有故持之成理當時頗傳誦之夏曾佑之言曰天津衛南窪周圍三百餘里約計面積七十方里每里五頃四十畝內除村莊道路河身溝渠隄埝所佔四成外實計可開稻田二萬二千六里餘頃每頃收米百石共計收米二兆二億六萬餘石此舉一隅而言已有如此之多將來北洋軍米即可就近採購無須仰糴於南就中挑河挖溝建造橋閘涵洞各費借有官項辦成之後耕種各歸地主就地招租官收水利歸還借本盈餘之項逐漸推廣不特天津等屬均可開墾卽豐潤玉田薊州寶

沃甯河武清及清河之東西淀。滏陽之南北泊。傍淀泊一帶。皆係怡賢親王所開之遺跡。昔爲沃壤之區。今成蛙鼃之藪。若就其古渠湮道。恢復舊規。或另挑溝渠。引東灌溉。不狃於目前。不拘夫往昔。因勢利導。以適其宜。是則引水以潤田。實卽藉田以殺水。田成而水散。斯利興而害除矣。金碧鏡之言曰。八旗食餉。不下十五萬人。糜帑歲約七八百萬兩。前年倭事初起。調遣東征。無一足恃。當局亦知其弊也。於是加餉。別練萬人。謂之練兵處。則本旗之餉。可以省矣。而支銷如故。戶部歲收捐貲。不及二百萬金。才佔歲入七

千萬中三十五分之一。所得無幾。而此項人員。充塞
內外。殆多於缺額二萬七千餘員之上。何止十倍。則
二十餘萬人矣。聚此二十餘萬人。日謀差缺。以自利。
均算每人歲得二十金之薪水。卽四五百萬兩。過戶
部所收捐款一倍矣。羅長禱之言曰。今出洋經商傭
工者。約計不下千萬人。各國往往設法苛待。侵侮剝
削。日甚一日。竊恐銷磨日久。民氣不能復振。今宜派
兩洋兵輪。常川巡歷。曲加保護。分日本之長崎。橫濱。
神戶。西班牙之古巴。美之舊金山。紐約。祕魯之嘉里
約等處。爲一道。歲凡二至。英之香港。新加坡。新金山。

越南之北圻西貢緬甸之仰江荷蘭西班牙之小呂宋蘇門答臘噶留巴等處爲一道歲凡三至至則登岸宣布 朝廷德意動其戀慕故國之心使黃種不至切望於異域雖未必遽收內應之効亦仁政所宜及也又曰今日吏治已敝內患更切於外憂論者皆曰州縣未得其人然煩雜難理之事實非一人之精力所能貫注今各省局務並非繁冗乃設幫辦會辦襄辦等多員獨至繁劇之知縣未聞派有幫辦請旨飭下各省督撫於州縣繁缺添派幫辦委員一人保甲委員一人幫審委員日坐大堂受詞聽斷保甲

委員日巡四鄉詰奸戢暴本官專以興學勸農爲事
徵收錢糧仍係本官主政各州縣有積獄不清罪幫
審有盜劫竊發罪保甲有富教無效罪本官簡缺不
派幫審只派保甲一員訟獄仍歸本官如此分繁劇
而專責成吏治必蒸蒸日上矣策士之言但洗洋自
恣以適己不必盡可施行要在人主擇之而已若封
疆大帥擁節坐鎮一方有言事之責有行事之權所
陳宜若可信及讀胡聘之開蒙地屯田一疏又不禁
爽然自失也疏言晉邊伊克昭烏蘭察布二盟旗地
川原饒沃水陸交通漢置朔方九原二郡唐置天雄

定難諸軍有明至今稱爲河套。若北假臨沃之田。受降豐州之地。備載往籍。歷稱上腴。形勢之雄。甲於西北。自來保障。并雍。經營朔漠者。靡不措意於此。是以前大學士沈桂芬有籌費開屯以紓國計之奏。升任撫臣張之洞。有軍屯固圍之議。前領隊大臣長庚。升任撫臣剛毅。先後有纏金屯田之奏。諸臣鑒遠識微。規畫周至。惜俱議而未行。臣到任後。博采眾論。體察邊情。深知固圍開屯。爲方今第一要務。因於上年冬間。派員赴邊履勘。當經查明西二盟所屬之湖灣纏金等地二十一段。多屬膏腴。道光年間。曾奉旨准

其租種抵欠。因未妥立章程。致滋事端。奏明封禁。今唯五大村山後等地。尙私自放租。而承種者怵於違禁。莫敢公然墾闢。以數十萬頃濱河沃壤。悉變汙萊。深爲可惜。臣酌核諸臣章奏。參以近今時勢。約舉其利。蓋有四端。邊外廣漠無垠。無險可扼。昔之勃勃元昊。諳達濟農。皆據有河套。長驅犯邊。屢擾腹地。我朝聖武布昭。邊境靜謐。然而康熙之代。準寇披猖。同治之年。回匪滋擾。重煩兵力。始獲敕平。邇來互市日增。強鄰日逼。形勝所在。亟宜預爲之防。今旣議開蒙地。擬請兼置兵屯。如墾地萬頃。卽屯兵千人。按名撥

給田畝以資耕種。酌提租銀以爲製備軍火津貼口糧之用。不另給餉。仿乾隆時伊犁屯田之制。而畧爲變通。以一半認耕。一半認操。農隙則一律操練。使成勁旅。既可衛蒙盟以安耕作。並可供征調以應緩急。邊徼數千里。棋布星羅。聲氣聯絡。以資邊備。其利一。蒙地水草豐饒。牲畜蕃息。向多以游牧致富。今則生計日蹙。牧羣漸少。凡有可耕之地。類多私自招墾。蓋其所以謀生者。已不在牧。而在租。自不必務虛名而捐實惠。且各旗地多閒曠。儘堪租種。無礙牧畜。查雍正年間。曾奉旨派員於阿拉善河西牧場之地。創

開渠道。溉田數十萬頃。近如吉林。長春府。墾田。卽郭爾斯牧地。奉天。昌圖府。墾田。卽科爾沁牧地。並不聞其有礙也。况蒙古貧弱。至斯已極。若不早爲設法。勢將無以自存。今旣議租以贍其身。復置兵以衛其地。爲蒙民策安全。計無逾於此者。以恤藩部。其利二。近來時事艱棘。國用浩繁。自馬關訂約以來。驟增數百兆償款。司農仰屋。幾於羅掘俱窮。乃猶舍地利而不興。置田功而勿講。甚非計也。查西人富國。首在開地。往往鴻荒未闢之野。榛蕪未治之鄉。如三藩。謝司戈。澳大利亞。不數年間。遂成都會。今西二盟蒙地。乃古

之郡縣。韓重華。婁師德。屯田故蹟。歷歷可尋。雖云墾荒。無異復舊。較之西人所開。何止事半功倍。現據委員查明。晉邊境內可開之地。不下三十萬頃。若能全行墾闢。除議給蒙租。及一切費用外。約歲得官租二百三十萬兩。況生聚日繁。商民輻輳。闢闢相望。泉貨流通。關稅釐金。所收必倍。於帑藏空虛之際。歲增鉅款。以裨度支。其利三。蒙地未封禁以前。口外糧食。由黃河運入腹地者。源源不絕。除接濟本省外。並可分給陝豫。光緒元年。前大學士左宗棠。用兵西郵。各軍皆由包頭設局。采運兵糧。並資騰飽。丁戊大祲。前升任

撫臣曾國荃亦經派員赴包頭一帶采買糧石藉充賑需。迨封禁後地荒糧少。十八年臣在護撫任內辦理口外災賑。因本地糧米不敷。派員赴甯夏采買。始克濟用。以後設有偏災。必至更難下手。雖迭經奏明提款儲穀。而爲數無多。難期有濟。今旣重開蒙地糧食。自必充牣。擬每歲酌提租銀。秋後由官收買。凡薩托清等廳。太汾平蒲各府所屬沿河村鎮。皆擇地建倉。隨爲儲積。以備災荒。其利四。政府初見聘之所陳。四利。大遑之急。下部議行。其後二盟盟長力持不便。又官帑奇窘。費無所出。議遂中梗。始事之難。自言而

自行之。猶投之不能盡合。急功近利之徒。乃欲以紙
上淨談。輕於一試。庸有濟乎。嗚呼。自夷人構難以來。
一敗於英。再敗於英。法俄之合從。三敗於法。四敗於
日本。抵掌論時事者。亦知以內地通商爲憂。以割地
納款爲恥。以琉球越南高麗次第失亡爲大懼。而孰
知今日剝膚之痛。可爲痛哭流涕。長太息者。英法以
傳教收我亂民。僻壤遐陬。足跡皆徧。使我自相屠擊。
而長吏失自治之權。鴉片烟流毒。將及百年。盡我人
心。耗我物力。昔人比之猛獸洪水。今且割膏沃上腴。
之壤。種植徧於九州。當新法初行。各乘時攘臂奮興。

爭言興利。不一求除害之方。閉淫毒風邪於內。而投峻劑補之。國之不亡幸矣。

又

戊戌履霜錄卷三

四十一

戊戌履霜錄卷三

戊戌履霜錄卷四

退廬居士

黨人列傳

自泰西倡民權。日本踵之。遂滅幕府。廢大將軍。改元變服。稱霸東夷。朝鮮之役。我旣被其毒矣。康有爲乘機竊發。假痛哭流涕之名。陰售其投隙抵巇之術。譚林楊宋。首入牢籠。潛相構煽。由是種族之說興。公羊改制稱王之言出。標榜未終。傾軋繼起。涇清渭濁。混然并合爲一流。非復漢宋黨爭之局。國祚未終。天奪其魄。榮相國首發邪謀。緹騎一出。兩奸東走。其時獻

媚之臣。若何乃瑩楊崇伊等。咸磨厲以須。欲藉是以
興大獄。幸 母后寬仁。不爲所動。六臣之外。無所株
連。未及一旬。亂遂大定。然楊銳劉光第之死。論者猶
惜其冤。子恐後世操史筆者。不知逆案始末。凡牽率
得禍諸臣。概以康黨目之。使被陷者忍而與此終古。
因采摭諸臣行事。分爲兩黨。而著之篇。俾當時知所
勸戒。而俟後人之論定焉。

張蔭桓字樵野。與康有爲同爲南海人。以佐貳起家。
官至戶部侍郎。爲人權變多譎謀。使美利堅回。遂入
譯署。充總理大臣。自海疆多故。朝廷憂外交。倚爲

奔走使令之才。號通洋務。有爲之開保國會也。演說二十事。人莫能明。皆得之蔭桓。二人表裏爲奸。有爲嘗單騎造蔭桓門。密談至夜分。往往止宿不去。馬關定約時。和款至二百三十兆。洋商以外債盤剝中國重息。皆由蔭桓關說。私分潤以自肥。所蓄骨董書畫。費以億計。有爲初曲意事之。後既貴。幸用事。乃更相傾陷。王照劾蔭桓濫保革員疏。卽有爲代草。有爲旣敗。蔭桓知不免。取外夷交通函牘。有爲密札陳廳事焚之。鄰舍見火光。大呼驚救。疑張侍郎闔室自焚。急叩閭人詢之。則二美姬方侍蔭桓飲酒。固無事也。飲

卒捕騎到門。執蔭桓下獄。初至錮一黑室。席地以藁。飲食溲便皆在其中。旋賄獄卒萬金。乃遷置爽塏。禮之如上客。蔭桓與英使交好。極力代爲營救。得免死。戌邊。

楊深秀字漪邨。山西聞喜人。光緒己丑進士。勇敢負氣。好讀僻書。尤精金石譜牒之學。張之洞巡撫山西。聞其名。聘爲令德堂山長。康有爲初入京。與相見。卽褒獎不置。稱爲西北一人。戊戌三月。疏言經文之體。肇自宋代。宋人之文。傳於今日者。如王安石。蘇洵。蘇轍。陸九淵。陳傳良。文天祥。諸大家。類皆發明經意。自

扞偉論。初無代古人語氣之謬說。亦無一定格式之陋習。明世沿習既久。防弊日周。於是創爲代聖賢立言之說。謂不得用秦漢以後之書。述當時之事。奪微言大義之統。爲衣冠優孟之容。風俗之壞。實自茲始。中葉以後。始盛行四股六股八股。破承起講之格。雖名爲說經之文。實則本之唐人詩賦。專講排偶聲調。如宋元調曲。但求按譜填詞。而荒詞瀾言。駢拇枝指。又加甚焉。請特下明詔。斟酌宋元明舊制。釐正文體。凡各試官命題。必須一章一節一句。語氣完足。其制藝體裁。一仿宋人經義。明人大結之意。先疏證傳記。

以釋經旨。次博引子史。以徵蘊蓄。次發揮時事。以覘學識。不拘格式。不限字數。其有仍用八股庸濫之格。講章陳腐之言者。擯勿錄。其有仍用八股口氣。託於代聖賢立言之謬說者。以僭妄誣罔非聖無法論。當時雖格於部議不行。其後天子毅然詔廢制藝。實自此疏發之。上海設譯書局。遣派學生出洋。皆採用其言。深秀嘗與文悌值宿齋宮。盡聞宮中隱事。夜半奮髯起曰。八旗宗室中。如有徐敬業其人。我則爲路丞矣。或以韜晦戒之。則曰。本朝氣數已一息奄奄。待盡。尙能誅諫官乎。其狂肆如此。宋伯魯與深秀同官。

山東道監察御史同以白口保康有爲黨禍興伯魯
遁去深秀猶上疏詰有爲罪名請 太后撤簾歸政
遂被逮戮死西市

宋伯魯者陝西醴泉人也字芝棟光緒丙戌進士康
有爲初未進用所擬變法章奏末由上達皆愆惠伯
魯言之或傳其受有爲賄莫能明也革職後有 旨
拿問孽宰逃避上海求庇於英領事剪髮改西裝易
姓爲趙以趙氏起檢點爲天子有宋本同出也婦家
頗饒貲財賴以自給

譚嗣同字復生湖南瀏陽人入貲爲江蘇候補知府

生平兀傲自喜。不受世俗束縛。幼好詞章。兼耽釋典。所著仁學一書。自謂合儒釋爲一。文字在莊列老墨。上梁啟超。初至湖南。與嗣同友善。引之以見康。有爲稱有爲爲所上封事爲國朝二百六十年所無。其心爲支那四萬萬人請命。遂折節事之。有爲旣嚮用。嗣同亦以陳寶箴薦。擢四品卿。與楊銳林旭劉光第同入軍機。參預新政。分班值日。擬諭旨。批答章奏。是時言路大開。有爲陰持朝局。結黨以傾舊臣。湖南舉人曾廉劾有爲覲覲非常。大有教皇中國之意。上孔子以開化教主神聖。明王徽號。將以孔子爲摩西。而

己爲耶蘇嗣同見疏大憤擬旨誅廉上曰甫詔
求言而遽殺人以逞非所以服天下也不許乃逐條
批駁廉疏約四卿聯名保有爲忠直無他其父繼洵
方巡撫湖北年七十矣知嗣同必以躁進賈禍一月
三致書促之歸省嗣同報父書言老夫昏髦不足與
謀天下事聞者無不怪駭有爲謀召外兵實嗣同陰
爲之主事覺伏誅繼洵亦坐是廢棄梁啟超携其所
著書曰寥天一閣文二卷莽蒼蒼齋詩二卷遠遺堂
集外文一卷思緯吉凶臺短書一卷壯飛樓治事十
篇秋雨年華館叢脞書四卷劍經衍葛一卷迷入日

本擬輯爲瀏陽譚氏遺書未成

梁啟超字卓如號任甫廣東新會舉人少從康有爲受學世傳康門有超回軼孟等號超回卽啟超也李端棻典試廣東奇其文以女弟妻之當時務報盛行啟超名重一時士大夫愛其語言筆札之妙爭禮下之自通都大邑下至僻壤窮陬無不知有新會梁氏者及應聘入湖南主講時務學堂專闢發康門一家之學倡議廢拜跪易服色抑君權伸民權湖湘劬學之士如皮錫瑞樊鍾戴德誠等皆爲所惑又嘗本朝國用不足爲大貊小貊上書巡撫陳寶箴請保境

獨立如寶融河西故事。寶箴大駭。梁鼎芬至。詆爲會匪。乃辭歸。戊戌會試報罷。以徐致靖薦。賞六品冠服。領譯書局。有爲每有密謀。必與之再三籌畫。倚之如左右手。及被逮。詔下。兩人隔絕。不相聞。倉卒雜髮改裝。遁入東洋。仍藉報紙鼓煽四方。其爲人善變。工揣摩。文章叙事條鬯。突過其師。雖不可繩以義法。削去東西洋各國名詞。亦自斐然可觀。惜終身爲有爲所懾服。不能自拔。以底於成。或援前明李贄國初金聖歎相比。擬殊不類。同時有林旭。少敢超一歲。敢超以弟畜之。亦師事有爲。

林旭者福建侯官人也字暎谷工詩善駢體文弱冠
舉鄉試第一闈墨出老師宿儒皆驚歎以爲不及初
依同邑沈瑜慶爲館甥旣屢上公車不第則入貲爲
內閣中書中書閒散無事復棄去遨游蘇浙間戊戌
開經濟特科聞有薦其名者欣然就道至則康有爲
已聯合朝士演說保國會宗旨因亦糾約鄉人立閩
學會以應之尋以王錫蕃薦賞四品卿銜充軍機章
京參預新政召對時口操閩音語咄咄不可辦上
卽取御案硃筆令書之其優遇如此譚嗣同爲有爲
畫策求助於袁世凱梁啟超稱善旭獨不然作一小

簡密致嗣同日。顛爲公歌千里草。本初健者莫輕言。
千里草暗指董福祥。本初暗指世凱。蓋以世凱陰險。
福祥武夫易制也。嗣同不悟。遂同及於難。所著有晚
翠軒詩集若干卷。

康廣仁。字幼博。有爲同母弟也。幼時服賈於外。居積
頗饒。有爲旣成進士。勸令服官。納貲以巡檢需次。浙
江同列皆狎侮之。從美人嘉約。翰學醫。有奇効。戊戌
挾金隨有爲入都。將援例爲部曹。居數月。篋金耗散
過半。出則爲有爲効奔走。入則謹守橐鑰。有答拜有
爲而時其亡者。亦時出款接。通姓名。故宋伯魯楊深

秀皆與之游。或傳其往來宮禁爲天子密司命令者。妄也。當捕騎大索南海館。有爲已遁。廣仁不虞及己。守輜重不去。遂被縛棄市。

志銜字□□。滿洲廂紅旗人。官工部筆帖式。珍妃瑾妃之弟也。嘗偵宮中密事。輸告康黨。事覺革職。

文廷式字芸閣。號道希。江西萍鄉人。初以舉人入京會試。卽負才名。與王懿榮張謇曾之撰。稱四大公車。庚寅舉進士。翁同龢得其策卷。置一甲第二。聲譽噪起。假歸道出天津。李鴻章大加禮遇。貢贈甚豐。及甲午假滿還朝。夷禍初起。主戰。反劾鴻章畏葸。挾夷。

自重。鴻章嫌之。欲中以奇禍。盛昱聞其謀。勸令少避。乃乞假回籍修墓。上海道劉麒祥。鴻章姻黨也。聞其來。迎入署中。備極款洽。臨別。失行裝四篋。麒祥爲緝。獲之。肩鑰完好如故。及歸。啟視。他貴重物具在。唯亡去奏稿二冊。中一疏。語涉離間。甫脫草。未上也。麒祥得之大喜。以獻鴻章。鴻章密白。太后。且授意御史楊崇伊劾之。遂削職。始珍妃瑾妃幼時。隨父任居廣州。從廷式受學。甲午大考。翰詹。上親擢廷式第一。由編修遷翰林侍讀學士。二妃力也。康有爲戊戌入都。過上海。得廷式密札數通。交通官禁。約事成。援之。

出山事覺密旨令江西捕治逸去不知所之

右戍邊者一人誅死者四人捕治未獲者三人削職者一人皆康黨

李端棻字苾園貴州貴筑人同治進士光緒二十二年東方兵事初定天子思奮發有爲下詔

求賢端棻以國勢之強弱視乎人才而人才之奮興由於教育請推廣學校開譯局立報館設藏書樓創儀器院遣人游歷外洋其後戊戌變法多采用其言梁啟超與端棻爲親黨公車北上輒主其家時時稱誦師說端棻學識淺性又長厚疑康有爲眞負濟時

偉略可任宏艱。毅然具疏保之。詞甚壯。又請刪改六部例章。大亂成憲。所言不盡由衷。識者知其爲啟超所賣。許應騷之革職也。由倉場侍郎超擢禮部尙書。諸好言新法者。無不彈冠相慶。賈勇思躡其後。太。后既出訓政。四卿誅。端。蔡。知禍將及已。泥首上書請罪。詔。嵐。新。疆。髮。種。種。矣。單車就道。至蘭州。病不能前。頗有憐其老者。

楊銳。字叔嶠。四川綿竹人。張之洞視蜀學時所拔士。性沈毅寡言。好詞章。以舉人官內閣中書數年。與修會典。叙勞。遷侍讀。構構不自得。及保國會開。糾合鄉

人設閩學會以應康黨始稍稍露頭角其入參新政宿望在林譚劉之上而謹畏自持不虞遽及於難之洞聞銳死電責徐桐何以不救甚惋惜之蜀人與銳同時被禍者有劉光第

劉光第字裴村四川富順人也恂謹寡交禍人廣坐中或終日不發一言官刑曹十餘年雖同鄉不盡知其名以陳寶箴薦與楊銳同日入軍機寶箴未嘗與光第相見光第亦無求於寶箴也有華陽人喬樹枬者與寶箴子三立交時時稱述光第行誼寶箴知之遂舉以入告光第勤劬耐貧一布袍服十年不易居

恒鍵戶吟咏筆墨書卷外無長物初得卿銜入參新
政首輔禮親王生日同僚皆有餽獻光第既無所獻
又不往賀語人曰受爵公朝拜恩私室吾勿爲也黨
禍發親騎到門其妻方踞地澣衣或叱之曰汝主何
在捕者至矣不知爲夫人也光第初不與康黨邪謀
曾廉之効有爲也譚嗣同與同班值宿邀與聯名以
百口保之不能力拒故並及於難

王照字小航直隸甯河人光緒甲午進士由庶吉士
改官主事祖錫朋死寇難與葛鄭齊名世所傳定海
三總兵者是也照身軀奇偉治事有能名甲午之役

練鄉兵保境殺賊紀律嚴明雖大風雨中隊伍不亂同時老於軍事者皆遜謝不及居常以氣力壓服一鄉鄉人莫不畏之有族人服內生子照斥爲非禮不令入王氏譜俄而自居母喪其婦亦孕愧其無以服眾也遍婦自裁由是終身不娶戊戌七月上書傾禮部六堂官去位得四品卿意揚揚自得乃議續婚甫納采而難作被捕逃入東洋雍髮爲僧

張元濟字菊生浙江海鹽人光緒壬辰進士出庶吉士改刑部主事充總署章京新學初萌卽設通藝學堂於上海能得風氣之先因上書請改官制廢拜跪

革職

李岳瑞字孟符陝西咸陽人光緒癸未進士以工部員外郎充總署章京與張元濟友善常偵署內密情輸之國聞報館因上書請變服制用客卿革職

徐致靖字子靜順天宛平人光緒丙子進士兩子皆入翰林仁鑄其長也變法之初致靖薦康有爲才略足肩鉅艱忠誠可託重任宜置諸左右以備顧問黃遵憲可勝疆寄譚嗣同可備專使張元濟梁啟超皆當任之以佐新政其疏曰蓋行非常之政必待非常之才昔咸豐之末天下雲擾文宗顯皇帝宸綱獨

斷操縱羣材。動之以不次之擢。臨之以不測之威。同治初年。皇太后訓政。亦遵此法。破除資格。有才必用。故咸同之間。得人最盛。左宗棠以舉人賞三品卿。督辦軍務。沈葆楨以在籍道員擢撫江西。劉蓉以諸生存膺疆寄。此外立功將帥。亦每自細微。不次拔擢。日本維新之始。特拔下僚及草莽之士。如木戶孝允。伊藤博文。大保利通等二十人。入直憲法局。以備顧問。新政皆其所定。我國大臣。內自尙侍。外自督撫。率皆循資按格。垂毫以得今官。於一切致富致強之由。或畏阻而不願更張。或震驚而未得要領。於是言守

舊者固泥古而誤今言開新者亦逐末而忘本夫國
家之有大臣猶行旅之有鄉導也鄉導苟不識途行
旅必受其害故臣以爲不欲變法則已苟欲變法必
廣求湛深實學博通時務之人而用之而後舊習可
得而革新模可得而成也上大寤之立召五人入
見致靖由翰林侍讀學士超擢禮部侍郎有爲見致
靖疏許爲知己一日三往叩謝移寓宣武城南與結
鄰而居往來辨難無虛日事敗有爲旣逃致靖下獄
徐仁鑄字硯父光緒己丑進士以編修視學湖南時
梁啟超倡新學於長沙譚嗣同和之仁鑄與二人交

相善講學宗旨又相合也。嘗取啟超所著輶軒今語。頒示學宮。長沙進士葉德輝者。仁鑄分校禮闈所得士也。作今語評。力闢其謬。自云孔子問禮老聃。不傳老子之學。雖此擬不倫。而詞鋒凜凜可畏。是時王先謙孔憲教黃自元諸人。皆稱老輩。咸不悅仁鑄所爲。仁鑄雖以欽使提倡於上。新學甫萌芽。勢尙孤。不獲大伸其志。因密疏梁譚及康有爲。黃遵憲學行求父致靖薦達於朝。致靖雖從其言。實與梁譚未謀面也。仁鑄革職歸。自愧無以爲子。上書請代父囚。都察院格之不達。自是廷臣益以銀鍊爲事。窮治康黨。復株

連王錫蕃陳寶箴云

王錫蕃者山東黃縣人也。字季樵。光緒丙子進士。初以少詹事督學福建。林旭出其門。任滿還朝。見時局大變。遂一意趨新。禮部六堂之去位也。破格用錫蕃爲侍郎。人多側目。旭誅。坐濫保革職。

陳寶箴。字右銘。江西義甯州人也。初以舉人從席寶田治軍。叙功保知府。王文韶巡撫湖南。甚倚任之。一切章奏。皆出其手。尋遷河北道。擢浙江按察使。以開封獄事。率連罷官。及再出爲湖北按察使。俸廉所入。不足以自贍。張之洞歎其廉。嘗飲助之。之洞治湖北

久專一省政權。巡撫譚繼洵不平。每持異議。寶箴調停其間。事有不可。輒犯顏力爭。無阿附。兩公皆倚以爲重。光緒二十一年。東方用兵。劉坤一視師遼陽。薦寶箴轉餉。升直隸布政使。先是河決鄭州。李鴻藻持節督工河上。寶箴爲擘畫數事。大奇之。是年鴻藻再入軍機。以寶箴久屈司道。未竟其用。卽擢湖南巡撫。湖南爲寶箴舊游地。習知其風土人情。甫蒞任。劾罷貪酷吏十餘人。開南學會。設製造公司。立保衛局。鑛路電報輪船報館。以次創興。楚咻大作。勿爲動。梁啟超初來主講。著論一千餘年。說寶箴自立。如寶融據

西河故事。謂不幸乘輿播遷。而六飛有駐足之地。大
統淪陷。而種類有倚恃之時。寶箴初以才辯器重。啟
超。至是始覺其奸。稍稍疎之。遂劾康有爲行僻而堅
言僞而辨。請毀其所著孔子改制考。不報。已而應
詔保薦十八人。楊銳劉光第與焉。坐是爲言者劾罷。
並削其子三立官。

陳三立。字伯嚴。光緒己丑進士。官吏部主事。爲人淡
於榮利。通籍後。累十年不就職。但以詩歌古文辭自
娛。當時言古文能繼響方姚者。推桐城吳汝綸及三
立。三立交游最廣。與黃遵憲江標熊希齡善。因希齡

獲交梁啟超。朝旨罪其招引奸邪。蓋謂是也。

黃遵憲。字公度。廣東嘉應州人。光緒二年。何如璋使日本。辟爲參贊。所著日本國志。頗具史裁。談洋務者。多宗之。任湖南鹽法道時。佐陳寶箴舉行新政。甚力。嘗出示禁女子纏足。比之劉龔嗜殺。涎蛟而下酒。鬱林取樂。聚蠲以整人。反復千餘言。詞旨朗然可誦。以徐致靖薦。內擢三品卿。出使日本。行次上海。聞京師亂作。不敢東渡。言者劾之。有詔捕逮。賴日使營救得免。

江標。字建霞。江蘇元和人。光緒己丑進士。官編修。好

爲駢體文。兼工繪事。講金石目錄。自三代鼎彝秦漢六朝碑版。下至宋元明人書畫。無不究心。嘗游東洋。雙一女子。欲委身事之。不果。影其小像歸。題曰東鄰巧笑圖。徧徵名人詩畫。其豪宕不拘小節如此。視學湖南時。以變士風開闢新治爲己任。所取文多怪誕。不中繩尺。又倡設湘學報。御史黃均隆劾之。時康有爲已進用。四卿新人軍機。譚嗣同與標尤善。相與營解寢均隆疏不報。且擢標四品京堂。入總署。後革職。禁錮於家。

熊希齡字秉三。湖南鳳凰廳人。光緒甲午進士。官翰

林院庶吉士。初與梁啟超交。卽引之人。湖南推爲時務學堂教習。而已爲提調。復由啟超結驩康有爲。後革職。禁錮於家。

闕普通武。字安甫。滿洲正白旗人。光緒丙戌進士。官禮部侍郎。以結交康有爲。入保國會。謫爲新疆參贊大臣。

曾鈺。字懷清。滿洲口口旗人。戊戌八月。由甘肅藩司遷湖北巡撫。是時黨禍初息。上下苟安。相戒不敢言時政。鈺獨抗疏請參改中西律例。變六部制度。張仲忻貽穀交章劾之。遂革職。

翁同龢字叔平號瓶庵前大學士心存之季子而今上之授讀師也心存長子曰同書巡撫安徽時以縱匪爲曾國藩奏劾至革職等問文宗睿心存未衰慰其老恐以子故悲傷丙辰廷試擢同龢一甲第一以安慰之同龢立朝四十餘年官至協辦大學士兼軍機大臣諳習先朝故事好汲引後進上甚重之康有爲始名祖詒列入京見同龢用布衣康祖詒帖旣又自稱廕生同龢笑曰汝旣身受國廕名祖詒卽不應以布衣傲我陽折之實陰愛其才是時同龢以師傅恩兼毓慶宮行走退朝嘗造膝獨對多密謀

外廷不盡知。乙未款夷後，建十二策請旨頒行。孫毓汶徐用儀持之不下。同龢大忌之，言於上。遂二人先後出軍機。太后不悅，罷同龢毓慶宮差。除其門籍，稍稍遠之。同龢不悟，遇事猶專，輒如故。有爲初進，又居中陰爲之地。太后積不能平，遂以戊戌八月降嚴旨，聲狀其罪。卽日斥還田里。同龢舊與榮祿不協，剛毅誦奏疏，誤讀劉鼎名爲才，復爲同龢所誚。剛毅引爲大恥，及有爲敗，太后再出訓政。二人比而讒之，遂革職。交地方官嚴加管束。自是杜門謝絕賓客。日臨漢魏碑帖數十字，月讀法華經一周。以

遺餘年晚歲書名大噪。斷縑零墨。都人爭寶重之。品在翁覃溪上。

吳大澂字清卿。江蘇吳縣人。同治戊辰進士。官編修。性豪邁。不拘小節。能文。工篆法。好兵。家言嘗屯軍奉天。與俄人議界。爭回黑頂子。號知洋務。今上卽位之初。內寇初平。海疆多故。大澂與張佩綸陳寶琛皆負清流。慷慨好談邊事。癸未法越事起。沿海戒嚴。朝廷以軍務重要。疆臣不盡可倚。出佩綸爲閩洋會辦。寶琛爲南洋會辦。大澂佐李鴻章會辦北洋。後佩綸債軍馬江。寶琛亦以事降黜。獨北洋未受兵。大澂

倚鴻章得無罪。甲午東事起。大澂方巡撫湖南。自請赴敵。帥諸將魏光燾。余虎恩。熊鏡生。吳元愷。左孝同。曾廣鈞。四十九營兵。出山海關。銳意規復海城。委光燾孤軍守牛莊。敵兵猝至。攻陷之。海城兵聞警皆潰。大澂奔還錦州。中外彈章蠡起。翁同龢庇之。令還巡撫任。言者猶疏劾不已。遂罷。至是以同龢故。率連得罪革職。

右誅死者二人。捕逮未獲者二人。削職者八人。戍邊者一人。下獄者一人。禁錮於家者三人。謫官者一人。皆新黨。

內外薦舉表

余聞于蔭霖疏稱五賢。曰體仁閣大學士徐桐。曰湖廣總督張之洞。曰閩浙總督邊寶泉。曰四川總督李秉衡。曰湖南巡撫陳寶箴。一時士論翕然歸心。其後寶泉薨於位。李陳以倔強失官。之洞內召。尋復放還。徐相國年且八十。亦齟齬於時。曾不及歲。而盛衰見矣。恭忠親王之臨沒也。舉奕謨可屬大事。榮祿出爲總督。亦密薦依克唐阿許景澄。皆未見有所設施。自嚴修奏開特科。屢詔徵求使才。新進稍稍錄用。突遭黨人之獄。註名薦牘者。凡十一人。或擯。或竄。或禁。

鋼終身。甚者倉卒臨刑。且牽連其舉主。徐致靖。李端
棻。王錫蕃。陳寶箴。均以此得罪。端棻於梁氏爲姻黨。
錫蕃亦林旭座師。不引嫌自避。而汲汲互相推獎。其
被陷固宜。陳徐誤信其子之一言。禍皆萌於湘楚。知
其事者。莫不悲之。然張之洞。張百熙。獨脫身逍遙禍
外。同罪異罰。殆亦有幸。不幸歟。李刑部希聖。嘗著
有鈞天同夢錄一書。予見而錄之。復補輯使才一表。
而推論其原委如此。

舉主竊江蘇嶽隴北湖南廣東浙江雲南四川峽隘滿不詳贊

兩江總督

李鴻章

李鴻章

員外

手處

二十四員

道員姚文然

博知州

華勝方

通判鍾天

緯知州

蘇師韓

和縣趙元

益教諭

陳學傲

陳廣年

典積劉葵

程副貢

王德楷

附生王鋪

道員徐建道員

芳舉人典

王季錯

兩江總督黃士
張之洞保陳驥
十八員

社俞府

應相知

縣黃傳和

州判魏允

恭同知

張通典

從九葛道

毅

道員易順舉人梁啟知府同知

和縣趙博士錢恂鄭孝

鄒代鈞

羅照治

胡偁

從九湯金

惟德

編修

黃紹

望知府

王詠

實

蕃

閩讀
楊鏡

舉人
汪鶴

河南巡撫 劉樹堂保 三員	福建學政 戴鴻慈保 三員	福建學政 王錫晉保 五員					
同知黃鳳 政				同知 連文	編修梁士 祐 主事 孫傳福		
廉陶保 百生				知縣 關鎮			

箕

知縣

湯

若

百生

陶保

廉

同知

連文

洲

編修

梁士

祐

主事

孫傳福

賈景

吳珍

仁

生

林

賈

賈

賈

湖北學政
王同愈保
六員

潘齊松保
保二員

宗人府
丞高寶華
保三員

順天府尹
胡燏燾保
十二員

拔貢汪榮

寶監生

李維信

舉人張一

廣

教諭陳

年

孫多

漢

主事

王儀

通

順天府尹
主事
中書楊
道員
胡燏燾
保
十二員

鍾天緯

鍾天緯

教諭

陳士

瀛

金永

主

存以
陳麟
李文
彬

編修主事

蔡元陳德

培鼎

道員道員

王修履復

植

主事

生員潘敦
先

教習何壽

章

附生某

知州

通政使李 端遇保六 員		內閣學士 張百朋保 十七員
廩生 孫多 登		主事楊楷
		主事李希素廩有知縣道員主事檢討 聖中書為舉人湯壽潛字陟三宋有 黃志浩梁啟超潘 拔貢唐才 常知縣 羅正鈞 主事夏時 濟中書 曹履權 知縣代鈞
陳星 廣		
		主事 黃英 舉人 馬六 尊 蘭 楊觀
	主事 管象 頃 舉人 傅昉 交	
林紹清 仲韓儀 監生羅益 智	教員趙允 龍孫傳 祝教諭 方履中	

禮侍庶服
保四員

禮侍庶服
崇俊五員

京都御史
府德保五員

兵衛徐嗣
保三員

戶衛林
保二員

倉場侍郎編修
李端棻保
十六員

主事陳澂

道員丁立
鈞 修撰

張寶
布衣買步

編修
孫多

知縣秋保舉人
助政程先
出朝慶
衆人朱夢
槐

知縣
樊增

編修編修羅
王尚祈

同知葛鳳
梁士

楊文
祿

庶吉士燕
希齡 唐經
才泂 附徐勳
生戴修 生難 湯壽
附生附榮潛

員外
毛

舉人麥孟
喻長林旭

錢能

員外
于式

員外
于式

庶吉士
壽

庶吉士陳
懋

庶吉士陳
懋

庶吉士
壽

甲監生
韓文舉

右經濟特科表凡二百三十五人重薦者十二人

外張之洞續保一案陳寶箴瞿鴻禨
職任道銜徐仁鑄各一案均佚

舉主蘇蘭蕪湖北靈浙江廣東江西陝西盛緒滿不詳贊

浙撫
蘇保七員

編修編修新和湖南鹽道
張亨其陝西果運憲
嘉國長和

盛緒和府劉庭
盛緒和
盛緒和

鄂督
鄂保四員

鄂督
鄂保四員
鄂保四員
鄂保四員

王侍
王保三員

鄂督
鄂保四員
鄂保四員
鄂保四員

江撫
江保二員

鄂督
鄂保四員
鄂保四員
鄂保四員

直督
直保三員

鄂督
鄂保四員
鄂保四員
鄂保四員

直督
直保三員

鄂督
鄂保四員
鄂保四員
鄂保四員

直督
直保三員

鄂督
鄂保四員
鄂保四員
鄂保四員

直督
直保三員

鄂督
鄂保四員
鄂保四員
鄂保四員

直督
直保三員
直保三員
直保三員

副保一員

禮侍衛
麟保四員

江齊劉捕
一保十七員

禮侍衛
通武保四員

能孫

道員

林質

林怡

游

知府道員
道員道員道員
馮照陶森德柯達和
丁葆

甲
甲
劉忠王賈

易順

知府

知府

知府

知府

知府

羅嘉

杰

葉元

道員
陳日

知縣海寶
琳駐防

徐州道程

嵩慶

員外
郭師

江南
府劉

九江道員張剛
道誠結知州
戴察那百

知府劉剛
駒圭事
陳春滋

翁 文保二員	郭 保二員	智 保二員	之 保二員	湘 保十五員	唐 保四員
舉人 王 闓	知府 洪 超			刑 左 時	
主事 陳 桂		鄭 孝	陳 致	陳 致	沈 清
		選員 徐 家	選員 徐 家	選員 徐 家	
		黃 榮 采	黃 炳 炳	黃 炳 炳	
原 吉	主 李	劉 元	劉 元	劉 元	楊 銳
周 董					
			培 楊 樞		

翰讀學徐
致靖保五
員
東撫張汝
梅保二員

知府
譚嗣
同

林旭
嚴俊

主事張元康有爲
濟
梁敏超
黃遵憲

山東
糧道
桂春
定武
知府
其

右使才表凡七十五人重薦者四人

二十一省新政表

昔郭侍郎筠仙與寶文靖評論人物謂今時知洋務者李少荃能致其大丁雨生能致其精沈幼丹能盡

其實予嘗疑之。以爲筠仙實自負也。張之洞以文士出綰疆符。頗希蹤三君子之爲。經營武昌十餘年。所辦鐵政紗廠。虧折不可以億計。上壞承平規制。而下廣事誅求。鄂民無不切齒。自沈丁謝世。法日以次擴兵。兩宮以鴻章夙望。邊事悉以委之。甲午之役。用葉志超丁汝昌龔照璣諸人。辱國喪師。爲諸夷笑。由是談洋務者。漸爲世所詬病。而筠仙不及見矣。當康黨未敗之初。廣東之富。湖南之強。皆朝廷所注意。粵督譚鍾麟守封疆舊制。老病不任事。上深以爲憂。聞陳寶箴能治湖南。則再三褒勉。其後湘人嫉寶箴。

吏張而攻之。粵人惡鍾麟因循。至有譚老肯之請。豈非用違其地耶。予既備述政變原委。復綜括一歲之事。著爲斯表。俾後之觀世變者。二十一省之風俗。疆吏之賢否。朝廷用人之得失。均有可考焉。

各省

學堂 公會

輪船

官制

兵

農

工商

礦務

股票

開辦

直隸保定總督學堂 天津立天天津
改爲中等學堂 定會 順國開

總督趙德書院改爲天知聖會報

王文高等學堂 天

津府集賢書院

榮祿改爲北洋高等

學堂天津縣門

津輔仁二書院
改爲小學堂
北洋高等學堂

天津水師 天津創立 仿建平章 官股四十

學堂 武備 立農業 實會 場 糧 開 運 安 萬 兩 鹽

工商 立總商 會 備 開 商 股 四十

分局 會 永 平 生 金 萬 兩

水利 局 山 金 礦 開 辦 城 內 邱 煤 礦

局 屯 田 局 豐 盛 堂

局 豐 盛 堂

附設編譯局另
立中學堂設

育材館

江蘇南京改備材學江甯勸學上海揚州江甯蘇州三十七所
江蘇堂為江南學堂會 紫雲學堂 江行小三局所
開防軍改設農工學堂 學堂內添百零十五
西操各屬學堂立編絲廠設磁路學萬七千兩

總督改鎮山葵經情會 測量報 洋船 法律院

劉坤陰文正鳳池學會 蘇州工商

一 尤六書院為各縣學會 學報

巡撫府懸學堂 蘇揚州匡時算學

奎俊州立中西會學會 上報

學堂及縣小學海澤局公格致開京氣

堂 常州道憲會 理亞新報鐵路

學堂務本學堂會 不繼時務松瀝鐵

堂 上海師範學是會 上報 路電

南洋公學 東大回譯報 集成滬鐵路

文學社 其局又譯崇學

書公會 報

無錫 奉報

無錫

無錫

江甯陸師官商共一

城中立團改上紡紗廠 西分習重

蘇總局城海農裁并廣方力汽化地

外東西南學報官館砲隊 質學

北適中之術為得為工藝

地各設分農學學堂

局 江甯總商

設陸師學兩淮

堂 甯鎮場田舉修撰派

駐防軍二升科 辦理商

干改四操 務 上海

設商務局

與漢口互

相聯絡

錢局

錢局

錢局

安慶設中西學
堂 求是學堂
巡撫燕湖立中江書
院

江西

南昌立中學堂
曾公祠開辦學
務局
崇文茶話會演
樂編輪機設

白話報

漢南江皖日報

擬設府按照
應州府同
知安慶甯池
太管相道判
和馬無為州
同廣德州州
判宜城主簿
各一縣丞
十復設訓
導二十二復
設教諭二十
六

設武備學堂
崇文茶話會
演樂編輪機
設

仍各屬勸民種茶每縣以三萬株為率
各稱元
縣創日
新設
公司

安慶設銷膏股三十萬兩

開採無業
官股三十
平煤礦
三萬兩

戈戈夏督家空司

二二五

巡撫教育院為符號

德海堂

松壽

說變法宗

行立時

務局

公司

兵二千名堂

留兵三年設織

深募二千在局

既四據 聚業

盛宣懷案

員開辦宜

春竹慈額

等處礦權

浙江 杭州求是學堂

學館 湖州

巡撫崇實學堂 紹

興中西學堂

温州中西學堂

派生徒出洋游

學 温州和濟

學堂

保浙會

甯波怡和公司 武官三百 杭州武備 杭州雷電 杭州煤礦 官股百萬

甯波怡和公司 武官三百 杭州武備 杭州雷電 杭州煤礦 官股百萬

蘇杭甯省銀 萬餘 波制 濟民館

紹鐵路 團

會

務公

通等

為買

瑞學

瑞安

務支

局

局

公司 鹽商百萬

典商六十

萬餘行絲

綢工業共

百四十萬

紳民三百

萬兩

杭州銀元

局

東

巡撫

梅

山西

巡撫
胡聘之

太原設備材館

容閱初定清公章程
股辦德八條
裁武練
州軍編官二百三十
江鐵路二成辰省銀
九千五百餘
兩

改由
公司
黃河
煙草
釀酒

網絲
白入
海
興水
利以
除河
患

太原武備
專堂

太原立機
英意機
辦
器局
又
全
衙
務

關曲礮礮
立火藥局
絳州三林
鎮設紡織
局收買
解一帶棉
花附麻分
設亂花榨
兩二廠

官服十五
萬兩

福建

南臺東安學社 福州不繼

足會 昇

學舍

太原立商 務局

福州武備福州開三都島 開建安礦官股二十

學堂改西醫學南學 開海澄礦萬兩

操 館

廣東

湖北

各府均興學堂武昌醫學 樓下消滅德款會

總督

以充經費 武

之昌

自興學堂

洞

送生徒百人出

巡撫

洋游學

海

湖南

長沙時務學堂長沙不繼長沙長沙輪仿西國巡捕沈充兵留長沙長沙化學開郴州礦官股十萬

校經學堂

足會 南州報船公司

法設保衛局

存十四營水利製造公司

巡撫

取用學堂以重學舍

保湘學

課英館

共七千二公司派人赴口

陳寶

加價俸為湘省 地報

百人後復辦業本學習工

移刑宜施遺請部申撥武昌武昌札麻理金貴官股十萬

及江陵縣於銀四十萬釐桑局 王聖欵銀六千兩

沙市 兩廣槍砲局 學堂 製印報部光

局用 添農務茶公司 兩開大治

設無烟火學堂 漢口設商銀鑄局

藥局 務局聯絡南銅鑄開

上游川陝宜州後裝

河南整頓山礦

湘粵工商

兩

級

武備時務學堂學公會

經費 常德明公理學會

達學堂 衡州岳州南學

時務學堂 湘分會 衡

鄉東山精舍 州任學會

瀏陽算藝學堂 瀏陽新功

學會 校

經學會

河南

巡撫

劉樹

堂

四川

總督

恭壽

成都中西學堂

成都重慶行

報學小洋船

重慶

渝報

改營為處局

每族三百

六十八添

算云族分

州 駐長沙岳

州

州

州

州

州

州

州

州

州

州

州

州

州

州

州

州

發 岳州

通商鐵路

館

瀏陽某務

學堂

學堂

學堂

學堂

學堂

學堂

學堂

學堂

學堂

學堂

學堂

學堂

學堂

學堂

學堂

學堂

學堂

官股三十

萬兩商民

十萬兩

官股三十

六萬五千

餘兩民

股六十八

萬二千餘

兩

兩

廣州時敏學堂 廣州學堂 廣州內河行廣州設洋務廣州船塢
官股四十萬 商股三十萬 木百存儲生息款二十萬兩

總辦 東文學社 總會 粵學報 粵學報 粵學報
事處門官州 學社 粵學報 粵學報 粵學報

廣門大同學校 學會 粵學報 粵學報 粵學報
州不編定報 略招股例南在嘉應

許振 學社 粵學報 粵學報 粵學報
州同知廣州 州同知廣州 州同知廣州

廣州廣仁學堂 桂林聖學 會 粵學報 粵學報 粵學報
海增城主簿 各一絲歷八 縣承十二巡 檢二十二訓 增七十一

廣州廣仁學堂 桂林聖學 會 粵學報 粵學報 粵學報
說梧州關 梧州新團 練 芙蓉初開賀縣四 平梧州 塘領銀額

廣州廣仁學堂 桂林聖學 會 粵學報 粵學報 粵學報
說梧州關 梧州新團 練 芙蓉初開賀縣四 平梧州 塘領銀額

廣州廣仁學堂 桂林聖學 會 粵學報 粵學報 粵學報
說梧州關 梧州新團 練 芙蓉初開賀縣四 平梧州 塘領銀額

廣州廣仁學堂 桂林聖學 會 粵學報 粵學報 粵學報
說梧州關 梧州新團 練 芙蓉初開賀縣四 平梧州 塘領銀額

廣州廣仁學堂 桂林聖學 會 粵學報 粵學報 粵學報
說梧州關 梧州新團 練 芙蓉初開賀縣四 平梧州 塘領銀額

廣州廣仁學堂 桂林聖學 會 粵學報 粵學報 粵學報
說梧州關 梧州新團 練 芙蓉初開賀縣四 平梧州 塘領銀額

廣州廣仁學堂 桂林聖學 會 粵學報 粵學報 粵學報
說梧州關 梧州新團 練 芙蓉初開賀縣四 平梧州 塘領銀額

廣州廣仁學堂 桂林聖學 會 粵學報 粵學報 粵學報
說梧州關 梧州新團 練 芙蓉初開賀縣四 平梧州 塘領銀額

廣州廣仁學堂 桂林聖學 會 粵學報 粵學報 粵學報
說梧州關 梧州新團 練 芙蓉初開賀縣四 平梧州 塘領銀額

巡撫 魏光燾

魏光燾

長安咸陽三保甲團練所
原屬州縣添置練八條

五十萬兩

丁庸

裁武官三十缺兵六百
八員 七十五名

官股十萬
紳商十萬

總督

陶模

新疆

巡撫

候應

斌

雲南

總督

裕祿

巡撫

裕祿

貴州

巡撫

貴州

巡撫

貴州

巡撫

貴州

保滇會

吳才與武備學堂

慈南益

阿營互

接信校

貴成

改學古經世二
亦限為講堂
巡撫立貴陽官書局

立武備學堂
黔軍五十一
營歸并為三

借洋款開
水銀鑄

官六萬
紳商七萬

戈戈復甯派卷四

二十七

主械

孫

東三奉天中西學堂

省

奉天

將軍

依克

廣阿

吉林

將軍

延茂

龍

江將

厚忠

導

十六營改習
西操

修營口議奉天府器龍江武吉林器龍江木

正濟陽經歷 欽州備學堂文器壘植公司

鐵路 府經歷奉天器臺十五務局

吉林松 軍糧同知 營改西操開甯

花江行 小輪設 吉塔

張家口 呼密奉天機務吉林招丁

至怡克 山荒機務局委 至理屬烟

圖電線 地三員 東岡一帶

林敦化金 礦 開通

化核仁金 礦 徐潤

辦金廠滿 梁雙子山

等處金鏡 張翼辦

土權子通

錢局 奉萬兩

天機器製 造二局俱

緞銀四

吉林設鑄 吉商二十

吉林設鑄 吉商二十

吉林設鑄 吉商二十

吉林設鑄 吉商二十

吉林設鑄 吉商二十

二二二

山棧二處
銀礦俱令
升課

戊戌履霜錄卷四